

واسـجـب لـك دـمـوع العـين

مـشـاي وـجـيـتـك يـحـسـين

\*\*\*\*

واحسبها خطوه بخطوه  
منها الجفن يتلوى  
عطشان وما اتروى  
بسيل الدعا والنجوى

طالت مسافات العشـگ  
وكل دمهـه خان ابها الصبر  
حامل من اشواگی نهر  
وكل همسة مني خضرت

وطيف الألم جارحني  
مشاي وجيتك يحسين

غيم الحزن ما خذني  
يفضحني دمعي ولونين

\*\*\*\*

وبكليبي جمرات النار  
وتكتبني وبيا الزوار  
وتشهد عليّ الأسحار  
للي اعصروها بلجدار

كل عام وأنا انتظر  
تقباني خادم سيدي  
بكل ليله أورد وذكر  
ولزيارتك أعظم نذر

تقبلي يا بن الزهره  
مشاي وجيتك يحسين

بحق الضلع والعصره  
وانته نجاه الدارين

\*\*\*\*

والله العشىـگ جنني  
لزيارتك تحماني  
وباسمك يذكّرني  
ونوم الجفن فارگني

من (عابس) جنوني طـفـح  
واللهفه بجناح الأمل  
نبض الكلب لا ما فتر  
ساهر أو ملّ مني السهر

واختم عذاب سنيني  
مشاي وجيتك يحسين

يمتى أكحل عيني  
يمتى أوفّي هالدين

## واسجب لك دمعات العين

## مشّاي وجيتك يحسين

\*\*\*\*

وكل لحظة هم يتسجد  
والجثة تحوي المرقد  
لن بالثرى جم فرقد  
مثل الرمح من تمتد

تسكن خيالي مصيبتك  
راسك اشوفه بكبتك  
والدم صبغ كل الثرى  
حتى المناير سيدي

أسمع نحيب وضجات  
مشّاي وجيتك يحسين

وبس من اشوف الخيمات  
وكلبي يشب بنارين

\*\*\*\*

وجرح اليتم يچويني  
لن الدمع خذ عيني  
أحملها بين يديني  
عندي صبر (لحسيني)

جيتك مثل ضعن السبا  
أعمى ومثل (جاير) صيرت  
ومن (سكنة) جمرات العتب  
ومثل (العقيله) ما بگي

ونهر الظمى عاف الماي  
مشّاي وجيتك يحسين

راية ابو فرجه وياي  
ما همني تعب الرجلين

\*\*\*\*

أحصل على غاياتي  
ويطرب اجراحاتي  
لو فارگت دنيااتي  
باسمه ويلم أشتاتي

جيت لطبيبي ومنيتي  
يقرا على راسي الدعا  
ويبگي فؤادي بحضرته  
وصك الشفاعة أيدّيله

فوك الصدر أو لچفوف  
مشّاي وجيتك يحسين

وفي گبري (تربة) لطفوف  
تحفة سفر لمحبين